

**O‘ZBEKISTON RESPUBLIKASIGA KELISH VA O‘ZBEKISTON
RESPUBLIKASIDAN KETISH VIZALARINI RASMIYLASHTIRISH
TARTIBINING O‘ZIGA XOS XUSUSIYATLARI**

Melikulov Nurjov Latifovich

*O‘zbekiston Respublikasi IIV Malaka oshirish instituti
Kasbiy tayyorgarlik fakulteti Maxsus fanlar sikli o‘qituvchisi
Tel: 99 000 67 14*

Annotatsiya. *O‘zbekiston Respublikasining vizalarni rasmiylashtirish tizimi, uning huquqiy asoslari, fuqarolar va chet el fuqarolari uchun belgilangan talablar, shunga qo‘shilib, viza olgan insonning maqsadi va davomiyligiga qaray berilgan xususiy qoidalar haqida ma’lumot berilgan.*

Kalit so‘zlar: *Viza talablari, dokumentlar topshirish, konsullik yig‘imlari, o‘zbekistonga kirish va chiqish ruxsatnomasi, elektron viza, o‘zbekistondan ketish vizasi, chet el fuqarolari uchun vizaning muddati, tekshiruv va nazorat.*

Аннотация. *Представлена информация о системе выдачи виз Республики Узбекистан, ее правовой базе, требованиях к гражданам и иностранным гражданам, а также особых правилах в зависимости от цели и срока действия визы.*

Ключевые слова: *Визовые требования, подача документов, консульские сборы, разрешения на въезд и выезд в Узбекистан, электронная виза, выездная виза из Узбекистана, срок действия виз для иностранных граждан, проверка и контроль.*

Annotation. *Information is provided on the visa issuance system of the Republic of Uzbekistan, its legal basis, requirements for citizens and foreign citizens, as well as special rules depending on the purpose and validity of the visa.*

Keywords: *Visa requirements, submission of documents, consular fees, entry and exit permits to Uzbekistan, electronic visa, exit visa from Uzbekistan, validity of visas for foreign citizens, verification and control.*

O‘zbekiston Respublikasining xalqaro munosabatlardagi o‘rni va davlatlararo aloqalarining mustahkamlanishi jarayonida vizalar siyosatining ahamiyati muhim rol o‘ynaydi. Turizm, savdo, ta’lim, madaniyat va boshqa sohalaridagi hamkorlikning rivojlanishi bilan bog‘liq ravishda, O‘zbekistonga keluvchi va O‘zbekistondan ketuvchi shaxslarning huquqiy tartibga solinishi muhim ahamiyatga ega. Vizalarni rasmiylashtirish tartibi, davlatning ichki siyosatini va xalqaro huquqni hisobga

olib, O‘zbekistonning tashqi ko‘rinishini belgilashda muhim vosita bo‘lib xizmat qiladi. Shu bois, O‘zbekiston Respublikasidan tashrif buyuruvchilarga va O‘zbekistondan ketuvchilarga amalga oshiriladigan vizalarni rasmiylashtirish jarayoni murakkab, ammo aniq va muvofiq huquqiy tartibga asoslangan bo‘lishi kerak. Bu jarayonda davlatning xavfsizligi, inson huquqlari

va xalqaro hamkorlik masalalariga alohida e‘tibor qaratiladi.

Xorijiy fuqarolarning va fuqaroligi bo‘lmagan shaxslarning O‘zbekiston Respublikasiga kelishlari, ketishlari, bu yerda bo‘lishlari va tranzit o‘tishlari tartibini yanada soddalashtirish maqsadida O‘zbekiston Respublikasi Vazirlar Mahkamasi tomonidan 1996 yil 21 noyabr kuni «Xorijiy fuqarolarning va fuqaroligi bo‘lmagan shaxslarning O‘zbekiston Respublikasiga kelishlari, ketishlari, bu yerda bo‘lishlari va tranzit o‘tishlari tartibi to‘g‘risida»gi 408-son qarori qabul qildi. “O‘zbekiston Respublikasining kirish, chiqish va tranzit vizalari (elektron bo‘lmagan) toifalarining ro‘yxati” va “Fuqarolari uchun O‘zbekiston Respublikasida vizasiz rejim joriy qilingan mamlakatlar ro‘yxati” tasdiqlangan.

O‘zbekiston Respublikasiga kelish vizalarini rasmiylashtirish tartibi. Yuridik shaxslar yoki O‘zbekiston Respublikasi Tashqi ishlar vazirligida akkreditatsiya qilingan xorijiy davlatlarning doimiy vakolatxonalari, xalqaro hukumatlararo tashkilotlar va xorijiy davlatlarning hukumat tashkilotlari vakolatxonalari, xorijiy fuqarolarning, shuningdek O‘zbekiston Respublikasi Adliya vazirligida ro‘yxatdan o‘tkazilgan xalqaro va xorijiy nodavlat (hukumatga qarashli bo‘lmagan) notijorat tashkilotlarning vakolatxonalari va filiallari taklifi bo‘yicha O‘zbekiston Respublikasiga kelmoqchi bo‘lgan xorijiy fuqarolar vizalar olish uchun O‘zbekiston Respublikasining chet eldagi konsullik muassasalariga, bunday muassasalar bo‘lmagan taqdirda - O‘zbekiston Respublikasi uchun konsullik funksiyalarini bajarish yuzasidan kelishib olingan boshqa davlatlar konsullik muassasalariga to‘ldirilgan belgilangan shakldagi viza anketasiga taklifnoma va milliy pasportni yoki uning o‘rnini bosadigan hujjatni (keyingi o‘rinlarda matnda «milliy pasport» deb yuritiladi) ilova qilgan holda murojaat qiladilar.

O‘zbekiston Respublikasi Adliya vazirligida ro‘yxatdan o‘tkazilgan xorijiy fuqarolar - xalqaro va xorijiy nodavlat (hukumatga qarashli bo‘lmagan) notijorat tashkilotlarning vakolatxonalari va filiallari xodimlari hamda ularning oila a‘zolari O‘zbekiston Respublikasi Adliya vazirligining akkreditatsiya kartochkasi asosida viza olish va uning amal qilish muddatini uzaytirish uchun murojaat qiladilar.

Yuridik shaxslar yoki O‘zbekiston Respublikasi Tashqi ishlar vazirligida akkreditatsiya qilingan xorijiy davlatlarning doimiy vakolatxonalari, xalqaro hukumatlararo tashkilotlar va xorijiy davlatlarning hukumat tashkilotlari vakolatxonalari, shuningdek O‘zbekiston Respublikasi Adliya vazirligida ro‘yxatdan o‘tkazilgan xalqaro va xorijiy nodavlat

(hukumatga qarashli bo‘lmagan) notijorat tashkilotlarning vakolatxonalari va filiallari xorijiy fuqarolarga taklifnomalarni faqat O‘zbekiston Respublikasi Tashqi ishlar vazirligiga viza berilishida yordam ko‘rsatish to‘g‘risida iltimosnoma berganlaridan keyingina yuboradilar.

O‘zbekiston Respublikasi Tashqi ishlar vazirligi O‘zbekiston Respublikasi Tashqi ishlar vazirligida akkreditatsiya qilingan xorijiy davlatlarning doimiy vakolatxonalari, xalqaro hukumatlararo tashkilotlar va xorijiy davlatlarning hukumat tashkilotlari vakolatxonalari, xorijiy fuqarolarning, shuningdek O‘zbekiston Respublikasi Adliya vazirligida ro‘yxatdan o‘tkazilgan xalqaro va xorijiy nodavlat (hukumatga qarashli bo‘lmagan) notijorat tashkilotlarning vakolatxonalari va filiallarining yozma murojaatlarini ko‘rib chiqadi va chet eldagi konsullik muassasalariga tegishli ko‘rsatmalar yuboradi.

Yuridik shaxslarning taklifnomalariga binoan O‘zbekiston Respublikasiga kontrakt va shartnomalar bo‘yicha uch oydan ortiq muddatga ishga kelayotgan xorijiy fuqarolarga vizalar berish belgilangan tartibga muvofiq Tashqi mehnat migrasiyasi agentligi tomonidan xorijiy fuqaroga berilgan mehnat faoliyatiga bo‘lgan huquqni tasdiqlovchi hujjatlar asosida amalga oshiriladi.

O‘zbekiston Respublikasi Tashqi ishlar vazirligida akkreditatsiya qilingan xorijiy fuqarolar - xalqaro hukumatlararo tashkilotlar va xorijiy davlatlarning hukumat tashkilotlari xodimlari va ularning oila a‘zolari, shuningdek O‘zbekiston Respublikasi Tashqi ishlar vazirligida akkreditatsiya qilingan matbuot vakillari va ularning oila a‘zolari O‘zbekiston Respublikasi Tashqi ishlar vazirligining akkreditatsiya kartochkasi asosida vizalarning amal qilish muddatini uzaytirish uchun murojaat qiladilar.

Viza berish hujjatlarini ko‘rib chiqish va xorijiy fuqaroga kelish vizasini rasmiylashtirish muddati 10 sutkadan oshmasligi kerak.

O‘zbekiston Respublikasiga fuqarolar taklifnomasi bo‘yicha yoki doimiy yashash uchun kelmoqchi bo‘lgan xorijiy fuqarolar vizalar olish uchun O‘zbekiston Respublikasining chet eldagi konsullik muassasalariga, bunday muassasalar bo‘lmagan taqdirda - O‘zbekiston Respublikasi uchun konsullik funksiyalarini bajarish yuzasidan kelishib olingan boshqa davlatlarning konsullik muassasalariga to‘ldirilgan belgilangan shakldagi viza anketasiga taklifnomani va milliy pasportni ilova qilgan holda murojaat qiladilar.

Chet eldan xorijiy fuqarolarni taklif qilmoqchi bo‘lgan O‘zbekiston Respublikasi fuqarolari, O‘zbekiston Respublikasida vaqtincha (3 oydan ortiq) yashab turgan va doimiy yashayotgan xorijiy fuqarolar yashash joyidagi ichki ishlar organlariga ikki nusxada to‘ldirilgan belgilangan shakldagi anketa-ariza bilan murojaat qiladilar.

Fuqarolarning taklifnomasi bo‘yicha xorijiy fuqaroga O‘zbekiston Respublikasiga kelishga viza berish uchun ruxsatnomani rasmiylashtirish muddati 15 sutkadan oshmasligi

kerak. O'zbekiston Respublikasiga doimiy yashash uchun kelayotgan xorijiy fuqarolar uchun hujjatlarni ko'rib chiqish muddati ayrim hollarda 30 sutkagacha uzaytirilishi mumkin.

Xorijiy fuqarolar turist sifatida kelish vizalarini olish uchun O'zbekiston Respublikasining chet eldagi konsullik muassasasiga, bunday muassasalar bo'lmagan taqdirda - O'zbekiston Respublikasi uchun konsullik funksiyasini bajarish yuzasidan kelishib olingan boshqa davlatlarning konsullik muassasalariga to'ldirilgan belgilangan shakldagi viza anketasiga milliy pasportni va o'z faoliyatini O'zbekiston Respublikasi hududida qonunchilikda belgilangan tartibda amalga oshirayotgan turistik tashkilotlarning taklifnomasini taqdim etgan holda murojaat qiladilar.

Xorijiy fuqaroning turist sifatida kelish vizasini rasmiylashtirish O'zbekiston Respublikasining chet eldagi konsullik muassasasi tomonidan 3 sutkadan oshmaydigan muddatda amalga oshiriladi, bayram va dam olish kunlari bundan mustasnodir.

Xorijiy davlatda O'zbekiston Respublikasining konsullik muassasalari bo'lmagan taqdirda O'zbekiston Respublikasiga turistlar sifatida kelayotgan xorijiy fuqarolarga kelishketish vizalarini O'zbekiston Respublikasi Tashqi ishlar vazirligining aeroportlardagi konsullik byurosi tomonidan berilishiga yo'l qo'yiladi.

Xorijiy fuqarolar O'zbekiston Respublikasining turistik vizasida ko'rsatilgan muddatdan oldin kelgan taqdirda turistik vizalarga O'zbekiston Respublikasi Tashqi ishlar vazirligining konsullik byurolari tomonidan O'zbekiston Respublikasi Davlat chegarasidan o'tish punktlarida tegishli o'zgartirishlar kiritishga ruxsat etiladi.

Fuqarolari elektron kirish vizasini olish imkoniyatiga ega bo'lgan mamlakatlar ro'yxatiga kiritilgan xorijiy fuqarolar O'zbekiston Respublikasining chet eldagi konsullik muassasalari va O'zbekiston Respublikasi Tashqi ishlar vazirligining Konsullik-huquqiy departamentiga murojaat qilmasdan, O'zbekiston Respublikasi hududiga 30 kun muddatga bir martalik, ikki martalik va ko'p martalik kirish uchun «e-visa.gov.uz» portali orqali «E-VISA.UZ» tizimi yordamida elektron vizani rasmiylashtirishlari va olishlari mumkin. Elektron vizani rasmiylashtirish va olish tartibi Elektron viza to'g'risidagi nizom bilan tartibga solinadi.

Elektron vizani rasmiylashtirish va berishga doir murojaatni ko'rib chiqish muddati murojaat berilgan kundan tashqari ikki ish kunini tashkil etadi.

Xorijiy fuqarolar tranzit vizasini olish uchun O'zbekiston Respublikasining chet eldagi konsullik muassasasiga, bunday muassasalar bo'lmagan hollarda - O'zbekiston Respublikasi uchun konsullik funksiyalarini bajarish yuzasidan kelishib olingan boshqa davlatlarning konsullik muassasalariga to'ldirilgan belgilangan shakldagi viza-anketa bilan murojaat qiladilar hamda milliy pasportni, borilayotgan davlat vizasini, shuningdek,

O'zbekiston Respublikasidan borilayotgan davlatga jo'nab ketish sanasi tasdiqlangan yo'l hujjatlarini taqdim etadilar.

O'zbekiston Respublikasi hududi orqali shaxsiy, yo'lovchilar tashish yoki yuk transportida tranzit bilan o'tib ketadigan xorijiy (haydovchilar) fuqarolar (72 soatdan ko'p bo'lmagan muddat mobaynida) viza anketasi, milliy pasport va borilayotgan mamlakat vizasidan tashqari xalqaro namunadagi haydovchilik guvohnomasini, transportga egalikni va avtotransportning texnik holatini tasdiqlovchi hujjatlarni, yukning borilayotgan mamlakatga yetkazib berilishini tasdiqlovchi yuk hujjatlarini va O'zbekiston Respublikasi qonunchiligida nazarda tutilgan boshqa hujjatlarni taqdim etadilar.

Tranzit vizani O'zbekiston Respublikasining chet eldagi konsullik muassasasi tomonidan rasmiylashtirish 3 sutka mobaynida amalga oshiriladi.

Xorijda bo'lgan xorijiy fuqarolarga investitsiya vizasini rasmiylashtirish O'zbekiston Respublikasi Tashqi ishlar vazirligining Konsullik-huquqiy departamenti hamda Qoraqalpog'iston Respublikasi va viloyatlardagi hududiy bo'linmalari tomonidan amalga oshiriladi.

Xorijda bo'lgan xorijiy fuqarolarga investitsiya vizasini rasmiylashtirish uchun iltimos qiluvchi xorijiy investitsiyalar ishtirokidagi korxona xorijiy investitsiyalar ishtirokidagi korxonasidan iltimosnomani, taklif qilayotgan shaxs pasporti nusxasini, shuningdek, kiritilgan investitsiyalar to'g'risidagi tegishli ma'lumotnomalardan birini ilova qilib belgilangan namunadagi anketa bilan O'zbekiston Respublikasi Tashqi ishlar vazirligining Konsullik-huquqiy departamentiga hamda Qoraqalpog'iston Respublikasi va viloyatlardagi hududiy bo'linmalariga murojaat qiladi.

Ma'lumotnoma: «Qimmatli qog'ozlar markaziy depozitariysi» davlat korxonasi tomonidan - xo'jalik jamiyatlarining sotib olingan aksiyalari miqdori to'g'risida;

O'zbekiston Respublikasi Adliya vazirligi huzuridagi Davlat xizmatlari agentligi yoki uning hududiy boshqarmalari tomonidan - xo'jalik jamiyatlarining sotib olingan ulushlari miqdori, shuningdek, O'zbekiston Respublikasi hududida xorijiy investitsiyalar ishtirokida korxonalar tashkil etilganligi to'g'risida beriladi.

Investitsiya vizasi O'zbekiston Respublikasining chet eldagi konsullik muassasalari tomonidan milliy pasport ilova qilingan holda belgilangan shakldagi viza anketasini to'ldirishda yoxud kelganidan keyin - xalqaro maqomga ega bo'lgan O'zbekiston Respublikasi aeroportlarida beriladi.

O'zbekiston Respublikasining konsullik muassasasi bo'lmagan davlatlardan kelgan shaxsga iltimosnomani rasmiylashtiruvchi xorijiy investitsiyalar ishtirokidagi korxona investitsiya vizasini kelganidan keyin xalqaro maqomga ega bo'lgan O'zbekiston

Respublikasi aeroportlarida rasmiylashtirish masalasini O‘zbekiston Respublikasi Tashqi ishlar vazirligining Konsullik-huquqiy departamenti, shuningdek, Qoraqalpog‘iston Respublikasi va viloyatlardagi hududiy bo‘linmalari bilan oldindan ishlab chiqadi.

Investitsiya vizasini olgan xorijiy fuqaro rasmiylashtirilgan vizani investitsiya vizasi amal qilishining qolgan muddati uchun fuqaroligi bo‘lmagan shaxsning yangi (almashtirilganda) milliy pasportiga yoki harakatlanish hujjatiga yopishtirish uchun O‘zbekiston Respublikasining chet eldagi konsullik muassasasiga yoxud O‘zbekiston Respublikasi Tashqi ishlar vazirligining Konsullik-huquqiy departamentiga, shuningdek, Qoraqalpog‘iston Respublikasi va viloyatlardagi hududiy bo‘linmalariga murojaat qilishga haqlidir.

O‘zbekiston Respublikasining chet eldagi diplomatik vakolatxonalari va konsullik muassasalari boshliqlari alohida hollarda xorijiy fuqarolarga O‘zbekiston Respublikasiga kelish vizasini berish to‘g‘risida mustaqil ravishda qaror qabul qilish huquqiga egadirlar. Bunda ular qabul qilingan qaror to‘g‘risida O‘zbekiston Respublikasi Tashqi ishlar vazirligiga bir sutka mobaynida xabarnoma yo‘llaydilar.

O‘zbekiston Respublikasidan ketish vizalarini rasmiylashtirish tartibi.

Fuqaroligi bo‘lmagan shaxslar O‘zbekiston Respublikasidan ketish hujjatlarini olganlaridan so‘ng viza olish uchun tegishli davlatlarning diplomatik va konsullik vakolatxonalariga murojaat qiladilar.

O‘zbekiston Respublikasi hududida doimiy yashaydigan xorijiy fuqarolar va fuqaroligi bo‘lmagan shaxslarning yashash uchun guvohnomasi va doimiy ro‘yxatdan o‘tkazilganligi: xorijiy fuqarolar O‘zbekiston Respublikasidan tashqariga vaqtincha chiqqanda, agar ular uch yildan ortiq vaqt mobaynida uzrli sabablarsiz O‘zbekistondagi doimiy yashash joyiga qaytmasa;

O‘zbekiston Respublikasi hududidan vaqtincha tashqariga chiqqan fuqaroligi bo‘lmagan shaxslarning harakatlanish hujjatining amal qilish muddati tamom bo‘lgach, agar ular harakatlanish hujjatini almashtirmasa yoxud uzrli sabablarsiz uni almashtirishni rad etsa;

bekor qilish to‘g‘risida shaxsan murojaat qilsa yoxud notarial tasdiqlangan ishonchnoma bo‘yicha boshqa shaxs murojaat qilsa yoki chet eldagi tegishli organlarning so‘rovi bo‘yicha bekor qilinadi.

O‘zbekiston Respublikasiga kelish va undan ketish huquqidagi cheklashlar.

Xorijiy fuqaroning O‘zbekiston Respublikasiga kelishi quyidagi hollarda rad etilishi mumkin:

- milliy xavfsizlik yoki jamoat tartibini muhofaza qilishni ta‘minlash manfaatlari yo‘lida;
- agar bu O‘zbekiston Respublikasi fuqarolari va boshqa shaxslarning huquqlarini va qonuniy manfaatlarini himoya qilish uchun zarur bo‘lsa;

-agar shaxs chet el terrorchi, ekstremist va boshqa jinoiy tashkilotlarning faoliyatiga aloqador bo‘lsa;

-agar shaxs o‘zi haqida qasddan soxta ma’lumotlar bergan bo‘lsa yoki zarur hujjatlarni taqdim etmagan bo‘lsa;

-agar shaxs ilgari xorijiy shaxslarning O‘zbekiston Respublikasiga kelish-ketish tartibini hamda bu yerda bo‘lish qoidalarini, O‘zbekiston Respublikasining bojxona, valyuta va boshqa qonunchiligini buzganligi aniqlangan bo‘lsa;

-agar shaxs kasal bo‘lsa yoki uning salomatligi jamiyat xavfsizligi va sog‘lomligiga xavf tug‘dirsa hamda ushbu kasallik O‘zbekiston Respublikasi Sog‘liqni saqlash vazirligi tomonidan tasdiqlangan ro‘yxatga kiritilgan bo‘lsa.

Qaror bilan tasdiqlangan Xorijiy fuqarolarning va fuqaroligi bo‘lmagan shaxslarning O‘zbekiston Respublikasida bo‘lishlari qoidalarining 22-bandiga muvofiq xorijiy fuqaroga nisbatan O‘zbekiston Respublikasiga kelish cheklangan bo‘lsa, unga O‘zbekiston Respublikasiga kelishi rad etiladi.

Xorijiy fuqaroning O‘zbekiston Respublikasidan ketishiga quyidagi hollarda ruxsat berilmaydi:

-agar uning ketishi davlat xavfsizligini ta’minlash manfaatlariga zid bo‘lsa - ketishga to‘sqinlik qiluvchi holatlarning amal qilish muddati tugaguncha;

-agar shaxsga nisbatan uning doimiy yashash uchun chet elga ketishiga to‘sqinlik qiluvchi shartnoma, kontrakt majburiyatlari amalda bo‘lsa - ushbu majburiyatlar to‘xtatilgunga qadar;

-agar shaxsga nisbatan jinoiy ish qo‘zg‘atilgan bo‘lsa - ish oxiriga yetkazilgunga qadar yoki uning yuzasidan sud qarori qabul qilingunga qadar;

-agar shaxs jinoyat sodir etganligi uchun jazoga hukm qilingan bo‘lsa - jazoni o‘tab bo‘lgungacha yoki jazodan ozod etilmaguncha;

-agar shaxs unga sud tomonidan yuklangan majburiyatlarni bajarishdan bosh tortayotgan bo‘lsa - majburiyatlarni to‘liq bajarib bo‘lgunga qadar;

-agar shaxs o‘zi haqida qasddan soxta ma’lumotlar bergan bo‘lsa;

-agar sudda shaxsga nisbatan fuqarolik da’vosi qo‘zg‘atilgan bo‘lsa - sud tomonidan qaror qabul qilinib va u ijro etilgunga qadar.

Chet elga ketish huquqi rad etilganligi ustidan shikoyat qilish tartibi.

Tartibning IV bo‘limida nazarda tutilgan asoslar bo‘yicha chet elga ketish huquqining rad etilishi, javob berishning belgilangan muddatidan ortiqcha kechiktirilishi ustidan xorijiy fuqarolar yuqori organlarga shikoyat qilishlari mumkin, bu organlar bir oydan ko‘p bo‘lmagan muddatda javob berishlari kerak, xorijiy fuqaro uning qaroridan norozi bo‘lganda, sudga shikoyat qilishi mumkin. Chet elga ketish huquqini Tartibning 20-

bandi «b» kichik bandida ko‘rsatilgan sabablarga ko‘ra cheklash ustidan shikoyat qilinishi mumkin emas.

Xulosa qilib aytganda, O‘zbekiston Respublikasining vizalar siyosatini rasmiylashtirish tartibi mamlakatning tashqi siyosatini, xavfsizligini va xalqaro aloqalarini mustahkamlashga xizmat qiladi. Vizalarni rasmiylashtirish jarayoni aniq, shunga muvofiq ravishda, shaxslarning huquqiy maqomini belgilash va davlatning xavfsizligiga xalaqit bermaslikka yo‘naltirilgan. Bundan tashqari, turizm, savdo va boshqa sohalardagi hamkorlikni rivojlantirish uchun muhim vosita hisoblanadi.

O‘zbekiston Respublikasining vizalar siyosati va uning rasmiylashtirish tartibini yanada takomillashtirish uchun bir qator takliflar bildirish mumkin:

Viza tartibini soddalashtirish: Turistlar va ishbilarmonlar uchun viza olish jarayonini soddalashtirish, elektron vizalar (e-visa) tizimini kengaytirish, buning orqali tashrif buyuruvchilarga qulaylik yaratish.

Ma’lumotlar almashinuvi va hamkorlikni kuchaytirish: Xalqaro hamkorlar va tashqi davlatlar bilan axborot almashinuvi tizimlarini takomillashtirish, bu safarda o‘zaro xavfsizlik va viza siyosatini mustahkamlashga erishish.

Viza to‘lovlarini raqobatbardosh qilish: Turizm va biznesni rag‘batlantirish maqsadida, viza to‘lovlarini qayta ko‘rib chiqish va turli xil qulay shart-sharoitlarni taklif etish.

O‘qish va tadqiqot uchun vizalarni osonlashtirish: Studentlar va tadqiqotchilar uchun vizalarni osonlashtirish, ularga O‘zbekistonda ta’lim olish va ilmiy tadqiqotlar olib borish imkoniyatlarini kengaytirish.

Viza huquqlari va shartlarini yaxshilash: Viza olgan shaxslarning huquqlari va mas’uliyatlari to‘g‘risida kengroq axborot berish va ularning huquqiy muhofazasini kuchaytirish.

Bu takliflar O‘zbekistonning xalqaro imidjini mustahkamlash va mamlakatga tashrif buyuruvchilar uchun qulay shart-sharoitlar yaratishga xizmat qiladi.

Adabiyotlar

1. O‘zbekiston Respublikasining “O‘zbekiston Respublikasining fuqaroligi to‘g‘risida”gi 2020-yil 13-mart O‘RQ-610-son qonuni;

2. O‘zbekiston Respublikasining 2021 yil 4 iyundagi “O‘zbekiston Respublikasida chet el fuqarolarining va fuqaroligi bo‘lmagan shaxslarning huquqiy holati to‘g‘risida”gi O‘RQ-692-son qonuni.

3. SH.M. Mirziyoev Qonun ustuvorligi va inson manfaatlarini ta'minlash – yurt taraqqiyoti va xalq farovonligining garovi. – T., "O'zbekiston", 2017;

4. O'zbekiston Respublikasi Prezidenti SH.Mirziyoevning 2020-yil 24-yanvardagi O'zbekiston Respublikasi Oliy Majlisiga Murojaatnomasi // Xalq so'zi. – 2020. – 25 yanv.;

5. O'zbekiston Respublikasi Vazirlar Mahkamasining "Yangi O'zbekiston" nashri <https://yuz.uz/news/> (21 iyun 2021).

6. O'zbekiston Respublikasi Vazirlar Mahkamasining 1996 yil 21 noyabrdagi "Xorijiy fuqarolarning va fuqaroligi bo'lmagan shaxslarning o'zbekiston respublikasiga kelishlari, ketishlari, bu yerda bo'lishlari va tranzit o'tishlari tartibi to'g'risida"gi 408-son qarori.